


吏部
職制一
職制二



吏部卷之四

典章十


職制

告叙
守關

聽除
赴任

授除
不赴任

告叙



告叙本路保申至元三年四月 中書省據隨處告叙用官
員今於先於本處官司具入仕根脚歷任月日停職緣由陳
告勘當別無詐冒申覆本路官司更為照勘相應仍錄連節
次所受付身保結甲部委有体例擬定可任名聞呈省定奪
無得直詣省部呈告施行

告叙官員格限至元二十四年十二月 尚書省照得各處
行省并諸衙門咨呈告叙人員往往經隔年遠吏部輒便擬

呈有碍銓選為北送本部講究回呈任滿例革官員經過年
遠告叙者固非一端其間亦有居喪侍親患病求醫亦有任
內僥倖亦為公私罪犯未及取問在逃或有粘帶未了事件
卒急不得解由經隔年深更有所除不稱其意或資品爭懸
不免赴任營幹公差離職或已給解由不即赴官呈下別營
求如或不或推托焉故為見元任官員更換或於不干碍衙
門朦朧捏合各處官司看循不為勘當止憑所告輒便到結
文解此等之人若不革撥深為未便今來議得今後各省所
轉并腹裏應告叙人員如是任滿須要本衙門官司隨即依
例照勘完備出結依式解由申覆合屬上司更為照勘無差

例給完備解由咨申省部於內若有侵欺係官錢糧等物必
須徵理及被問公私事務纔候歸對了畢於解由內明白開
寫追問始末緣由或依例出結解由人員若有病故即於所
在官司給據擬求仕日再行告給文解照勘別無規避官吏
保結如京畿地面申奏御史臺水路行移按察司體覆是實
方許咨申省部依例叙用如但有不實其人永不叙用元結
保解官吏量情斷罪今議擬下項事理乞照詳都省准呈施行

一今後應告叙官員病故格例

三年以下病故人員勘當體覆別無規避依例叙用
如有不實亦不叙用

一今後遠年不叙官員若遇

特旨并德行才能擢用者不拘此例

一歸附故官求叙例至元二十四年尚書省咨吏部呈南
官入仕者多有中間門蔭補官歸附後不曾換授者衆一
例咨來擬自今後若有門蔭補官歸附後不曾換授未叙
人員合令各處聽候將來有關別議選用若委有才德可
用之士不能自達者開具實跡行移按察司體覆相應抄
連所授文憑依例照勘完備保結移咨都省定奪其歸附
後已經換授官員依例陞用已經移咨各處去訖又照得
先欽奉

詔書內一款節該亡宋歸附有功官員并才德可用之士窮
居无力不能自達者所在官司開具實跡行移按察司體
覆相同申臺呈省以憑錄用欽此今各處行省往往將歸
附之後不曾換授官員保咨不惟文繁抑亦徒勞求仕之
人往回生受都省合行移咨欽依元奉

聖旨事意施行若委係歸附有功官員并才德可用之士依上
體覆相同咨來定奪委用之令本人在家聽候无得似前
濫保准此

濫保罪及元保至元三十年中書省照得各處行省咨列
任滿得替官員解由往往根脚差別實歷俸月不同及保

申就陞人員亦多資品爭懸不應轉入流品有碍選法未
便又准湖廣行省咨壽昌府同知忽都不花保趙崇乙先
受建昌路新城縣尹孝廉不任即無冒詐請定奪准此審
問得本人年甲脚色爭差送刑部取到趙崇乙狀另斬罷
職不叙及咨本省取濫保招伏外都省議得今後例應赴
求仕人員須要所在官司依式保勘一切完備別無詐冒
不實依例移咨定奪若有似此濫保不應罪及元保人員
咨請照會依上施行

遠年求仕元貞元年行省准中書省咨近為遠年求仕人
員送刑部議擬通例回呈至元十九年已前至今不曾求

叙者合擬草撥外據至元十九年三月已後至元二十八
年二月初九日已前擬呈准日立為格限除已到省部員
數依例照勘完備近叙所有未到省部人員從本處官司
明具不曾求仕實跡緣由保勘別無窺避粘帶過犯移牒
廉訪司休覆相同抄連的本牒文申與合干上司依例遷
叙其欽奉

特旨格限告叙如蒙准呈照會施行都省議得除至元十九年
三月以前得替人員驗各人告叙緣由至定奪餘准所擬
咨請依上施行

元貞二年九月中書省咨吏部呈奉省判御史臺呈大都

路總管府申諸色人匠總管府譯史不花察兒至元十七年勾當至元二十年五月患病作闕不曾給由求叙乞依體例與本臺議得除受

宣勅官本臺依例覆外其餘人員合從本處官司先行保勘明白委无規避申覆合于上司求叙中間但有不實監察御史體察相應本部參詳受

宣敕官員遠年不曾告叙合依已定格例內任御史臺體察外任廉訪司體察所據流外并諸司人吏宣使奏差之類既是職小名微宜准御史臺所據相應具呈照詳得此都省准呈咨請依上施行

○大德六年中書省咨江浙行省咨前慶元路總管毛文豹告求叙事檢照得元貞元年定遠年求叙見前例都省議得今後應有告叙之人明具不曾求仕緣由赴本處官司陳告當該州縣摘委州官照勘休問如无粘帶規避過犯保結申路本路官重別體覆明白保結申呈至元十九年三月已前得替告叙之人驗所告緣由至日定奪以後求仕人員依例叙用其已到省却未經廉訪司體覆者依上休與但有不實監察御史廉訪司依例體察仍將本人斷罪不叙元保勘體覆官吏黜降斷罪之請依上行求仕官員无使停滯大德元年二月欽奉改元

鈔校書籍
詔叔內一款節該求仕官員淹留生受仰中書省從宜立法
无使停滯

聽除

官滿在家聽候至元十一年二月 中書吏禮部承奉
中書省札付五月二十四日為待闕官員比及有關合无
在家聽候

奏准今後遷轉官員得替依式申報解由止於本家聽候明
置簿籍標寫月日候受除日期近時勾喚如不在家听候
却行前來並不遷除已經通行照會外近據洛滋路申磁
州務官都監劃時開寫本人親實所受文憑赴都求仕者
却未審應管錢谷人員巡檢提控按牘都吏目人等合无
同職官一体遷轉呈奉 中書省札付既係遷轉人員俱

合在家一体聽候今後若有解由到部開會完備置簿明白附寫銓試月日照勘相應窠闈挨次先行擬注遺者仰依上施行

告叙官員在家聽候至元十九年四月 中書省咨先為吏部呈亡宋故官往往膏各路文解或以白狀赴部求仕所有所執文憑終无各道宣慰司保結文字切恐中間詐冒今後應有入仕者該寫籍貫年甲歷任根脚抄連所受文憑赴元籍官司陳告仍召知識保官一二名當官司驗辦憑无偽保甲本道宣慰司照勘相同係呈行省移咨定奪已咨行省依上施行去訖即日却有咨到不應人員咨

請照驗已咨事理施行仍令告叙人在家听候却無致因而刁蹬留難

求仕不許赴都至大四德閏七月江西行省准 中書省咨照得先據御史臺備監察御史呈即日在都求仕官員數多如蒙立法悉遣在家聽除實為久遠便益送吏部議得今後應有得替官員明白開寫在家听候除在都籍貫人員外如是不遵所行及有暗通前來求仕之人發露到官斬罪點降仍令監察御史繩糾相應得此已經過行去訖今知得替官員不遵元行往往赴都求仕都省議得今後應得替官員從便聽候於解由內明白開寫不許赴都

如違依上治究除札付御史臺嚴加体察外咨請依上行

鈔校書籍

授除當依條授

授除

除授送赴各路祇受至元十二年四月 中書省照得即

奏准除授官員令吏部行下合屬勾請赴都省授除都省議
得若依前例循行錄去年

奏准本家聽候若便勾請各官往復生受擬自今後

奏准除授官員不須勾請前來止令因公差去各路人員
宣敕牌面封記送付各路取印押收管文解无得苛候給付
仰本路勾請本官就總管府公厅依例辦到所受文憑如
无詐冒引驗别无疾状年老不稱職任即令欽受量程督
責赴任仍保結申部呈省送

宣敕人員并本路厘勤當該人員並不得因而取受分文錢物物其听除人員照依已行在家听候仰照驗施行

授除官員照會至元二十四年閏二月尚書省

奏通事內一件在先省官人每迂轉的官人每月日滿了呵照關委付无關的交等一年關委付呵怎生奏呵您識者麼道

聖旨有來俺商量得交等一年關委付呵合替的人理會的替他呵不任意行莫不悞了勾當如今俺限五個月以裏比那的休交過去麼道奏呵那般者麼道

聖旨了也欽此已經行移欽依去訖都省節次奏准授除官員

除已頒降

宣敕令各官欽受依期之任外據合代滿闕員數若是一槩行移照會恐在任官員耽悞公事咨請今後授除官都送咨文到彼照勘急闕任滿者隨即依例照會外滿闕人員比之滿期預先一月照會合屬施行

守闕

迂轉等一年間尚書省至元二十四年閏二月二十六日
奏過事內一件在先省官人每迂轉的官人每月日滿了呵
照闕委付无闕的根底交等一年間委付呵怎生奏呵您
識者麼道

聖旨有來俺商量得交等一年間委付呵合替的人理會的替
他呵不任意行莫不誤了勾當麼如今俺限五個月以裏
比那的体交去麼道

奏呵那般者麼道

聖旨了也欽此

銓注官員守一二年關大德元年十月中書吏部承奉
中書省劄付蒙古文字譯該本年十月初五日完澤承丞
相等官

奏過事內一件前者春裏行

詔書時節迂轉官員的勾當休交遲住疾忙銓注的立休例
者麼道

聖旨有呵俺商量的

皇帝根底奏來在迂轉官員注一年關來後來迂轉的人每多
的上頭俺商量交守一年關委付呵怎生麼道

世祖皇帝根底奏呵這言語

我好省不得有後頭說者麼道

聖旨有來如今做官的人每休交遲住疾忙委付者麼道

聖旨來了這一遍委付的其間一年二年窠門文書到來的照
關都委付一年二年窠關的後頭擬定奏呵怎生奉

聖旨那般者委付者

聖旨有呵銓注了奏過委付者先注時節落後下的如今逐旋
來的也有且注二年的窠關委付者選法的勾當如今見
交官人每提調着商量有已後合行的定例那商量裏有
也者奏呵奉

聖旨那般者欽此

守關元處聽候大德二年八月 中書省咨御史臺呈諸
遷轉官員比及終任已自避事但此句當倫安苟且所以
得新官交代况今員多闕少預注二年窠闕其新官守闕
者不以廉恥自拘徃徃繫領家屬前去任所或境內居住
雖曰伺候月日空代禮任虛張聲勢暗施威福或治下公
付公事鄉村社長富豪之家饋獻拜識其治下官吏人等
必須供應所以新官舊官中間小人乘釁行私間諜不相
和睦壞政敗事今後除授守關官員到合赴任月日依例
之任不得將引家眷帶行閑人先行赴任所管內住坐具
呈照詳

都省議得依准御史臺所呈今後除授之後官員止於元
住去處聽候前官將滿量移赴任毋得預期舛行將引家
眷於任所守關住坐如有此等人員聽下屬上司取問
究治仍令監察御史廉方司糾察諸依上施行

預期守待之任皇慶二年三月 江西行省准 中書省
咨刑部呈奏省判御史臺呈准陝西行臺咨四川廉訪司
申重慶路同知李榮預期一年前去本路住坐之任責得
本官狀招不合違例於至大四年十一月二十五日預期
一年將引家眷前去重慶路守待之任罪犯係在皇慶元
年十月二十九日以前欽遇原免擬合標附今後若有似

此預期守闈人員取訖明白招伏量決二十七下依例標
附如蒙准呈遍行照會相應具呈照詳得此都省議得已
除官員預赴任所守待例合禁止若有違犯臨事詳斷餘
准部擬咨請依上施行

赴任

赴任限程

在家裝二千里內三千里內以上雖遠取當急赴者不拘此例其到任者

束假限二十日 四十日 不過五十日 日即將受除備裝起程到任署事各各月日從

自大都至 驛馬 長行馬 舟行 車行 實開具牒報本處備申合于上司照勘若有違

程至到任 日兩站 日七十里 上水日八十里 日四千里 限人員就便取約量斷罪百日之外者仍依例作聞

百里外不公參至元六年十月 中書吏禮部承奉

中書省判該奉 部堂鈞旨今後散府并州縣赴任官員

照依舊例相去本管上司百里之內前詣公參百里之外

止申到任月日其本管上司百里之內理勾喚失誤公事

仰吏禮部遍行各路照會施行

无照會急閩許禮任至元八年三月尚書吏部據平陽路
恩州寺處申有本縣捏直韓浦寺賚

勅牒前來赴任緣由不曾奉到照會耽誤不曾禮任乞照驗
事省部議得今後除授官員未曾照會先賚所受

宣勅到任令見任官司照勘如委是急閩或前官已滿即令
新官禮任隨即申覆本管上司若前官月未滿擬今代官
守滿交替呈奉

都堂鈞旨送吏部准擬施行

官員不到任就便勾請至元二十九年三月中書省近
奏准守關官員銓汰除授外都省議得隨行照會到所屬總

司照勘除急滿窠閩依例照會之任據守關人員明白標
附相近滿日量地里遠近照會任所如不到者就便勾請
咨請驗照施行

无照會官員不許禮任至大元六年六月十一日中書省
奏過事內一件去年但凡省家的勾當隔越着你不揀誰休
奏者口傳言語交禮上來的休交行者麼道

聖旨有來又前者

皇太子從大都上來的時分有
令旨來省家的選法跟壞了有兵馬司裏稅務裏并其餘衙
門裏口傳言語便交禮上了的无照會不曾受

宣勅來的多有麼道說有依在先体例色目漢見人相叅如
今依着你定擬來的人每根底

皇帝根底奏了與

宣敕交行者无照會不曾受

宣敕來的依着

聖旨体例裏都体交行者麼道

令旨有呵俺依着

聖旨

令旨各據行了文書將那一寺人每都革了也如今不曾受
宣敕被革了的人每這般革了也麼道說也者俺

上位奏知有奏呵那的每

我根底也不曾交奏有不交化每奏也者麼道

聖旨了也欽此

投下人員未喚授不得之任大德七年五月二十六日

中書省咨御史臺呈陝西漢中道廉訪司申大德七年四

月二十一日有

捏不例大王位下乾州段長官所管醫工戶計文清狀告本

役下提領所衙門止管人戶一百八十戶設立官吏人等

一十五名並無印信置備牢獄枷鎖授受本管人戶詞狀

不惟官冗人多實為擾民不便乞施行得此照例行下本

管安西等路本投下諸色戶總管府照勘回申解內署立
官衙除達魯花赤同知欽受

宣命水總管段世賢不見所受文憑為此追照得本府大德
六年五月十四日承奉本投下王傳照會到段世賢欽受
令旨充管領本投下安西鳳翔延安吳元等路打捕鷹房人
匠諸色戶總管府總管除本宗事理另行外卑司着詳諸
投下衙門官員魚例從本位下差委有總管段世賢欽受
令旨充本府總管未經喚受輒於欽此受
宣命之上益字其於禮體未順以此恭詳合无今後各投下
差委人員比及換受以來无令先行之任署事豈惟以正

名分之別庶几權綱歸一緣係為例事理具呈照詳得此
送吏部照擬得本部恭詳合准御史臺所擬投下人員未受
朝命不應之任行移各省照會相應具呈照詳都省咨請依
上施行

赴任程限等例大德八年九月御史臺咨奉
中書省劄付吏部呈承奉中書省劄付欽奉

聖旨節該受了

宣敕不赴任人每後頭勾當裏不叙用欽此照得已除官員
裝束赴任假限已有定法各處官司並不遵守為此本部
令逐一議擬到下項合行事理如准所呈通行照會庶革

僥倖紊繁之弊具呈照詳都省除外今開逐項事理前去
仰依上施行

欽奉

詔書條畫內一款節該三年之喪古今通制今後除應當怯
薛人員征戍軍官外其餘官吏父母喪亡丁憂終制方許
叙仕奪情起復不拘此例蒙古色目人負各從本俗願依
上例者听欽此照得已徐內外守缺官員未任其間若遇
父母喪亡應合丁憂者具職名隨即行移官司轉申上司
別行注代庶望將來不致闕官如不即申報從本道廉訪
司体察究治

欽奉

聖旨節該做官的人年到七十三品以下官員添與一等散官

交關者欽此照得受除守關未任官員中間年老
或因事故不能赴任者以致曠職誤事省部無由

得知驗選有所未便本部議得今後受除未任官

員若有例合致仕并年虽未及衰老不能赴任人

員具各各緣由行移申報身故者以次親人并隣

佑社長申告所在官司開具某官職名申報上司

別注代官如違所廉訪司体察究問施行

承奉中書省札付大德八年三月欽奉

聖旨節該受了

宣勅嫌地里遠或嫌名分低小不赴任去的人每根底後頭
勾當裏不叙用欵此照得近奉都省札付內一欵
已除赴任官員在家裝束暇限二千里內三十日
三千里內四十日已上雖遠不過五十日其在路
行省大都至本家自起至到任馬日行七十里車
日行四十里乘驛者日兩站百人以上止一站舟
行上水八十里下水日百二十里賤當急赴者不
拘此例違限百日之外者依例察缺已經通行照
會去訖若不再行慮恐受除人員不遵元行悞陷

不叙之例議得今後此等受除官員須要依期赴
任違者欵依見奉

聖旨處分事宜施行

照得省部銓選止憑官員到任月日注代今各處官
司往往不即申報蓋因各衙門已委提調首領官
不以選法為重以致耽誤標附為此議得今後赴
任官員如到任所即將禮任署事月日飛申以憑
標附若有犯贓事故等官亦仰依上申報如是依
前違慢不為用心檢舉申報去處定將委定首領
官取招斷罪施行

近承奉中書省札付內一款今後除授守闕官員吏部照勘行移各官聽候去處亦行照會施行承此除遵依外照得近年以來內外得替官員解由到部多有不行開寫聽候去處若不再行有碍照會議得今後內外得替并初入流品人員須要開寫某路府州司縣村坊聽候色目人員亦合依上施行至元三十一年三月承奉中書省札付議得作闕之後到任官員已除人員准令交代作闕之後到任官員未曾銓注准擬標附已經通行照會去訖比年以來各處行省往往咨到已除未任人員多有

過期一年之上不行赴任員數必須照例議擬作闕別注代官比之新官到彼其已擬作闕者却有之任官員蓋因不知前後交代之例以致爭訟各處行省不照元行區處條咨都省判送吏部照擬及有一等受除人員意嫌所受職名低小附托當途傍求巧進或所圖未遂者必須却赴任所以致延延過期又恐作闕假以病患為由於有司告給憑據才方之任如此使倖者有之以此參詳今後除守闕官員須要依期到任若果患病隨即行移所在官司勘當是實如所患病疾百日之內痊愈

給據許令之任已過百日之外不能赴任者隨即
申覆上司別行注代若當該官吏給據其間看循
故行捏合虛稱病故符同保堪者並行斷罪仍令
監察御史本道廉訪司嚴行体察究問施行

承奉中書省札付

奏准條畫內一款諸行省管轄官員若有多年不經迂過時
不到任及久曠未注或緊關官即須照勘明白咨
省定奪其到任例合標附人員每月通行類咨直
隸省部路分欵此照得先為隨

朝諸衙門腹裏路分并行省宣慰司廉訪司諸見任官員職

名禮月任日已除未任不迂急缺去處各各員數
每季不過次季仲月咨報到省去後各處違期不
行季報有碍標附照勘都省摘委本部主事一員
不妨本職提調通行諸衙門并合屬今後須要依
期仍報如有違慢定將已委官究治奉此今照得
各處季報往往不行依期到部雖有報到中間脫
漏字樣差訛頭欵多不依式又事故官員雖稱因
事停職不見曾无歸結是否作闕難議注代必須
再行取勘不惟紊繁有碍銓注以此叅詳蓋是已
委提調者官不以季報為重以致耽悞如此議得

今後腹裏每季不過次季五月十五日已裏湏要
關申到部行省每季依期咨報到省以憑標附如
是依前過期不到或依期報到照勘得中間但有
爭差定將委定首領官取招斷罪

官員依限赴任病就任鑿至大四年四月十四日御史臺
奏過事內一件委付了的官人每嫌名分小田地遠不肯去
的要罪過者更非奉

聖旨不得擅自離職

世祖皇帝行了

聖旨有來近年行臺各道廉訪司官勾當裏委付了不去的也

有推稱病患不滿百日離職來了的也有更推稱有題說
的勾當鋪馬裏來的也有這裏幹別勾當的也有因那般
各處缺員耽候着勾當的緣故是這的有俺商量來今後
委付了的官人每交依限赴任到任之後端的有病呵就
任所交鑿治一百日醫治不好呵依體例作缺別委付人
推病麼道使見識的更非奉

聖旨推稱着勾當擅見離職來的不交呵怎生
奏呵那般者麼道

聖旨了也欽此咨請欽依施行

不赴任

不官身无咎三十日加一等八十

赴任限滿日一日三日

任不到同所在官司

舊官員不驗治而

例患病給據者

奏做官的不去勾當裏不交行至元二十四年六月御史

董承奉 尚書省札付至元二十四年閏二月二十六日

奏遇事內一件做官的去人每受了

宣勅一年半不去有今後那般不去的每根底的

除行程并裝束假限外違者計日
斷罪須早遣者不拘此例若病
患及違限百日作關
之任職官及因公在他所患病仰
於所在官司告假得知晷時差
官驗治病愈即便出結文憑發
遣之任无致稽留生受後到任
日從本路照已行事捏扣并自受除至到
任除行程并裝束假限及患病月日外有無
限指定端的本路官吏重甘保結申部如有
違限就取本官明白招伏申來以憑施行

宣勅要了勾當裏不交行呵怎生奏呵只那般者麼道
聖旨了也

廣選不赴任例至元二十九年二月初九日中書省
奏過事內一件福建兩廣四川等處或遠或近依例迂轉的
人每受了

宣勅不去呵要罪過者麼道

聖旨有來如今勾當高了低了也更嫌遠受了

宣勅不去的人每有似那般的依先的體例裏要罪過呵怎
生商量來麼道奏呵是也那般者有罪過者那畜生每根
底也交種田者麼道

聖旨了也欽此

不赴任官員江浙行省准 尚書省咨至大二年八月二十八日

奏過事內一件欽受

宣勅不赴任去的人每依先

聖旨體例要他每罪過呵怎生麼道奏呵奉

聖旨那般者欽此照得至元二十六年六月內

奏過事內一件在先求仕人員這壁那壁使錢與肚皮勾當

裏行有來如今勾當裏行的人勾當裏不用心趨閃的也

有一頭得見勾當嫌好 遠近麼道不去的也有似那般

每根底不治約不中的一般折麼道奏呵你道的是也似

那般的每根底不須殺鎖者交拽車或交淘金或交燒窖
的你識者麼道

聖旨了也欽此大德八年三月十六日

奏過事內一件依体迂轉官員遠近受了

宣勅不去的要罪過者麼道

聖旨有來前者省官人每

世祖皇帝根底奏了說道職事低了或嫌地里遠寫受了

宣勅不去的人每根底依在先体例要罪過呵怎生奏呵是

也那般要罪過者交那畜生每種田者麼道

聖旨有來如今俺商量得似那般受了

宣勅嫌地里遠寫或嫌名分低了不赴任去的人每根底後

頭勾當裏不叙用呵怎生呵奏呵奉

聖旨那般者欽此至大二年正月十四日

奏過事內一件但凡勾當裏委付來的受

宣勅的官員每使見識推緣故委付了的勾當不去的每根

底將他每的

宣勅交納了依着在前

薛禪皇帝聖旨体例裏交種田去呵怎生麼道奏呵您說的是

有那般者麼道呵怎生奏呵奉

聖旨了也欽此

官員嫌地遠不去罪例中書省咨至大四年九月十三日
欽察郎中特奉

聖旨勾當裏委付了的官人每嫌田地遠推稱不肯去的色目
入呵兩廣委付將去者漢兒人可和林林海都田地裏委
付將去者明白行文書者麼道

聖旨了也欽此都省咨請欽依施行
不赴任永不叙見前赴任類

吏部卷之五

職制二

職守

典章十一

職守

假故

代滿

丁憂

管民官兼與魯至元二年十二月 日欽奉

聖旨據樞密院奏隨路管民官司將軍戶與民戶一槩科取差
役搔擾不安即日正是調遣軍馬之際切恐久而削減軍
戶氣力今擬各路府州司縣達魯花赤魯民長官不訪本
職兼諸軍與魯除各路達魯花赤總管另宣命印信府州
司縣達魯花赤長官亦給印信俱就用已設首領官人吏
另行與魯衙門不須添俸但係軍一切大小公事欽依

聖旨並須申院非奉樞密院許准明文不得於奧魯內擅科差
役將來往蒲具解由申院若任內抚治軍戶安貼不致減
削氣力驗事輕重陞迁若有擅科差役搔擾軍戶逃竄不
安者亦驗輕重點降准奏呵

聖旨仰依上施行

首領官權與魯至元十一年三月 中書省據吏部呈平
陽路霍州趙縣城等處呈為達魯花赤縣尹差故奧魯公
事無人掌管行不樞密院講究得先據大都順天益都緇
菜等路申今後奧魯正官遇有差故合无令以次州縣官
承管得此行下各路如奧魯正官俱有差故比及還職以

來令奧路首領官權行管領去訖據各路司縣以次管民
官不係兼管與路官員任蒲解申申院難令權管都省雅
兼觀農事署銜至元二十三年八月二十八日 中書省
奏准各路達魯花赤總管調農事欽此據腹裏授除各路府
州縣達魯花赤所授

宣赤添寫兼管勸農事已經照會了當又據大司農司呈各
路府州縣已徐見任未滿官員將農事一体署入階銜具
呈

聞奏通行照會事得此都省於至元二十四年二月十三日
奏過事内一件城子裏州縣官每不妨管民的勾當提調者

歷道宣勅裏寫來如今比及倒換
宣勅呵種的勾當提調者廢道着文書行呵怎生奏呵那般
者廢道

聖旨了也欽此

各路達魯花赤提管添兼管勸農事

散府州縣達魯花赤長管添本府縣勸農事

軍官不得管民樞密院呈中書省一件至元二十四年二月

十四日

奏准行樞密院求仕官吏人等合從都省定奪具呈照詳

都省於至元二十四年閏二月二十八日

奏過事內一件樞密院官人每與將文書來行樞密院根底
罷了呵行來定奪呵各萬戶都交付了人也俺根底窠闐
也無有省官人每根底說了交定奪呵怎生廢道奏了來
俺商量得做軍官來的休管民者做民官來的休管軍者
道的

聖旨有民官每的窠闐別無有廢道奏呵你的言語是有他每
根底說知別那般者廢道

聖旨了也欽奉此

官吏不得擅離職元貞元年閏四月二十五日欽奉

聖旨節該從今已後自中書省以上內外大小諸衙門行底官

吏人等各各委付着底勾當裏用心謹慎行者不揀甚麼
勾當病忙辦集者休教遲悞者百姓每休教生受者非奏
聖旨不得擅自離職者又勾當裏委付了不去底差使裏使將
去勾當辦了疾忙不還職底人每呵取了他們招伏依他
每合得底罪過驗輕重斷了委付來底職事罷了者應合
遷轉官員內合教遠近去底依體例遷轉者肅政廉訪司
官人每監察每時常休察者這糾彈官肅政廉訪司官人
每監察每這

聖旨別了呵依體例不依察呵比別個人重有罪過者庶道道
來欽此

軍官不得擅離職皇慶二年四月 福建廉訪司承奉

江浙行省札付准 樞密院咨皇慶元年十月十六日

奏過事內一件各處軍官每交近行的奏了交來者麼道說
有元院家的文字將各管省的軍人每撤下來了的多有
若有軍情緊急勾當呵就誤了去也今後元院家文字不
交來若有來的他每根底要罪過有合來的勾當呵俺根
底說將來俺

上位奏了與文字交來呵怎生奏呵奉

聖旨那般者你根底不商量了為自己的勾當休交來者欽此

假故

放假日頭條例二款 中統五年八月中書省欽奉

聖旨條畫內一款節該京府州縣官員每日圓坐商議詞訟理

會公事如遇

天壽冬至各給假一日元正寒食各三日七月十五日十月一

日立春重午立秋重九旬日各給假一日分務急速不在此限欽此

又至元十五年樞密院准 中書省札付提客省使也速

忽都答呈

奏過事內一件在先初十日二十日三十日每月三次放假
假有如今初一日初八日十五日二十三日再乙亥日這

日數有性命底也不省宰殺有人根底也不打斷這日數裏放假呵怎生奏呵奉

聖旨那般者欽奉此

官員患病曹狀至元八年五月

中書省掾御史臺呈殿中司体知得必闈赤字都歡自二月二十七日患病至三月初六日計九日不見供報到曹狀呈乞照驗事又掾本臺呈札魯花赤內刺忽并必闈赤忽都魯不見根隨

車駕前來上都擅自落後亦不見供報曹狀乞定奪明降事為此

都省與尚書省官御史臺官一同商議得掾假告事故官員不報曹狀罪犯一次罰俸八兩再犯依上罰俸若三犯者近上官員

聞奏近下人員從各衙門就便的決水掾无故落後官員驗實日全尅俸祿再犯依前尅除三犯依上施行

官員違限責罰至元八年七月御史臺准

尚書省咨益都路同知完顏堉慶都縣達魯花赤木歹俱為母亡奔喪合无減半支俸給與中書省御史臺一同議得假告事故官員既是官司說過教去了來呵俸錢都合交與定與限次如是違了呵依例罰者為此議得擬

合通行隨路移准 中書省咨准擬施行

病假人員給據至元二十四年二月 行中書省准

中書省咨會驗至元五年正月 都省議擬到職官在任

若病假滿百日者申部作闕其身病求醫親老告侍者本

管官司勘當是實別無規避粘帶係結申部作闕仍皆於

任所給公據其年後並聽於見居處官司給保解連申求

仕如自願休閒者本官不在叙用之例札付吏部依上施

行去訖今來照得吏部呈到叙用官員并提領案牘都

吏目人等於內因病作闕之人不依元行取結公據各據

處官司止憑本官詞因畧云勘當是實便行申部本部亦

不照依前項格例輒便備呈

都省其間規避難以防閑擬自今後各處官司并作闕官

員人等須要照依前項已行格例取給公據求仕日繳申

省部照勘如違首領官罰俸司吏的決正官別議求仕人

再行勘當別無規避再聽期年叙用除外咨請依上施行

奔喪迂奠假限至元二十八年正月 福建行尚書省准

尚書省咨四川行省咨照得四川所轄請司官吏俸秩已

有定例所據職官婚相喪葬等應給假者俸祿不見合無

全給唯復別有定奪伏請照詳施行又准江西行省咨具

國路通山縣尹裴繼炎至元二十六年閏十月十八日為

父身故奔喪二十七年正月十一日還職合無從奔喪俸給兜支准此送吏部照擬得諸職官并應請俸人等近年以來雖有告假准給人員終無奉到通例無以執守今後遇有告假者若有依舊例議擬切恐因而妨奪公務未便以此參詳除省親拜墓婚姻之事近後定奪外據祖父母父母喪亡并迁葬者即係人子大事合依舊例給假並除馬程今將各各日限開具于后所據給假合從戶部議擬為此札付戶部議擬得職官奔喪迁葬人子大故今既以人倫重事許給假限其限內俸鈔擬合支給以厚風俗若違限不到者勤停移咨行下令屬照會施行

祖父母父母喪假限三十日

迁葬祖父母父母假限

二十日

奔喪違限勤停元貞二年十二月湖南道宣慰司為來陽知州覃模奔喪事照得先奉

湖廣行省札付准 尚書省咨除省親拜墓婚之事近後定奪外據祖父母父母喪亡迁葬者即係人子大事合依舊給假並除馬程如違限不到停俸定罪坐到祖父母父母喪亡假限三十日仰照勘本官到任別无規避依例施行本官不行隨時前去却托稱痔瘡發作在任署事直至閏四月初六日經隔八十余日方至澧州慈利縣節岡寨

一千六百里馬程例一千六百里住回途程該五十四日
合得假限三十日通該八十四日准慈利縣牒并覃知州
閔文患病四十日尚違限期七十八日就問得覃模狀招
相同本司議得人子喪親痛切肌體聞訃就道斯謂奔喪
今知州覃模係千里風化之任母亡一年申奉

宣慰司札付該令結假却行推病安然在州署事八十餘
日終方起程到家又復延延不行還職除途程假限病故
之外違限七十餘日忠孝之道似為兩失何以勸民將本
官依例停俸申奉省府札付移准
中書省咨送吏部照擬得本州已除知州劉庭守覃模元

貞元年二月滿闕除已催督本官之任外本官違限罪犯
合從刑部定擬 都省議得知州覃模聞訃不行奔喪違
限取到招伏合行依例勒停

患病侍親格限大德六年七月 江西行省准

中書省咨該吏部呈會驗到至元八年元定職官之任違
限及患病各過百日并自求醫親老告侍勘當別無規避
並行作闕期年後聽任除遵依外本部照得即日到部患
病作闕官員所給解由止以別无粘帶過犯多不依例保
勘中間有无規避若便行移勘當不惟往復逗留文繁亦
使求仕人員停滯生受以此叅詳擬自大德六年三月初

三日為格以前給由者驗應得資品迂叙格後似此人員擬合通行照會湧要依例保勘完備咨申定奪具呈照詳施行得此 却省准擬除已札付吏部依上執守外咨請依上施行

病故官申牒所在官司大德七年閏五月初六日

江西行省准 中書省咨吏部呈河東宣慰司閔平陽路備澤州申准本州知州閔切見省部銓選官員預注二年窠闕已受除者守待其間或因事不能赴任銓注官員无由得知參詳擬合照會諸衙門今後若有已除官員守闕其間或有病故及因事不能赴任者令親隣人等開具職

名呈報當該官司申覆上司別行銓注似不淹滯聞請照驗本部參詳如准所言通行照會相應具呈照詳得此都省議得已除官員若有病故及因事不能赴任者本官隨即申牒所在官司如不申牒親隣主首人等開具職名呈覆當該官司轉申上司別行銓注都省咨請依上施行

一官員具報曾狀延祐三年十一月十六日御史臺官

奏過事內一件御史臺之下立春着殿中司衙門有近日

上位可怜見殿中丞陞做四品也他每管的勾當中書省為頭不揀那个衙門奏事呵合處入去聽的体例有不合聽的入每根底交回避有自省以下但有俸錢人每有病疾事

故呵三日後不上來的及出來呵合報與曹狀有凡有初
立衙門儲官員禮任差出還職呵也報曹狀有病過百日
不作闈的人病可了出來不報曹狀的行禮時節失儀落
簡脫了腰帶立地的不依法度并官人每使見識不出來
的交殿中司糾察呈臺合責罰的責罰合奏的俺
上位根底明白題奏這般整治行呵怎生奏呵那般者麼道
聖旨了也欽此

代滿

代官到任方許離職至元四年中書省札付各路迂轉官
員欽依

聖旨擬三十個月為滿一考較其功過以憑陞迁降轉施行奉
此照得舊例諸執事官皆代官到日方許去任除已具呈
中書省相度如有任滿官員无得輒便离職候代官到日
方許去任依例求仕事承此

丁憂

官員丁憂終制叙仕大德八年 月欽奉

詔書內一欵節該三年之喪古今通制三年實二十七個月

今後除應當怯薛人員征戍軍官外其餘官吏父母喪亡

丁憂終制方許叙仕奪情起復不拘此例

官吏丁憂聽從大德^五年五月初九日湖廣行省准

中書省咨大德九年二月二十四日奏過事內一件官吏

等但是勾當裏行的人每教了父母阿當勾裏出去丁憂

三年者麼道行了詔書

聖旨來如今但是勾當裏行的人每裏行頭得用人每丁憂出

去了呵勾當裏有窒碍有於內匠官陰陽人賢人等各投
下勾當裏行的人每也有似這般的人每不交丁憂一一
奏了交行呵頻煩

聖旨的一般有丁憂三年再得勾當呵人每也生受有受為那
上頭两个丞相寺俺眾人商量來如今丁憂的聽從他每
呵怎生奏呵那般者

聖旨有呵去年為這勾當的上頭行了詔書

聖旨來如今奏知俺省家行文書呵怎生奏呵奉
聖旨那般者欽此

丁憂並許終制至大四年三月十八日欽奉

詔書內一款官吏丁憂已嘗著令今後並許終制實二十七個月

以厚風俗朝廷奪情起復蒙古色目管軍官員不拘此例

違例不丁憂並見刑部諸惡門不孝類

官吏服闋先銓補延祐元年八月江西行省准

中書咨照得下不見官吏丁憂二十七月終制之終如何

起復通例送據禮部呈照得云大德九年官吏丁憂先籍

今承見奉奏詳如准前例職諸官見任者從本衙門已除

未任者從元籍官司隨即給由有出身吏員人等已及考

者一体起發文字以達吏部關會完聚依例照缺銓注候

終制日照會合屬起復從事外據未及考吏員人等在內

吏部在外合干上司籍記姓名服闋先行貼補相應都省
議得丁憂職官服闋不次銓注吏員人等未及考滿者終
制日先行貼補余准部擬請依上施行

管軍衙門迂轉之人依例丁憂

皇帝聖旨江西廉訪司分司准

本道廉訪司牒呈奉

江南諸道行

御史臺札付該奉

中書省札付來呈據監察御史呈照刷河南行省文卷一
件延祐四年九月初四日據高郵寧國方戶府知事孫顯
呈有父於今年四月初七日繼母二月十九日俱亡得此
照得高郵寧國方戶府申本府知事孫顯父母亡歿却與
軍官不同理合丁郵本府申該驗呈限奔喪明見不應不

行明白區處仰下寧國翼依例施行為此除別行取問外
若不糾呈切恐其余管軍衙門首領官吏亦有似此托為
軍職不行丁憂之人傷風敗俗深為不便擬合通行照會
如有違犯依例斷罪降叙相應得此送據刑部呈議得鎮
守高郵寧國萬戶府知事孫顯父母俱亡如係迂轉之人
合依已擬依例丁憂具呈照詳得此都省合下仰照驗依
上施行

作闋

病假百日作闋至元八年四月 尚書吏部照得依准舊
例職官之在遠限及病患各過百日并自病求醫親老告
侍勤當別无規避並作闋期年聽仕本部似此官員告叙
若是止照无行作闋部符到日為始理算期年却緣州縣
官員病患事故百日之後始自司縣申州州申總管府府
申省部比至呈省申作闋直候符文到日為始近則三五
月遠到半年之上更為近遠州縣必待十余月准申作闋
符文終則雖稱期年聽仕實不下一年半二年之上方得
告叙為此酌古准今議列下項事理呈奉到

尚書省札付准呈仰照驗施行

在任官員患病經百日外作闕擬自離職住俸日為始限一十二個月後聽仕

在任因病求醫并告侍州官員擬自離職住俸日為始限一十二個月後聽仕

元任官員委是患病事故不能赴任自各官受除當月為始限一十二個月後聽仕

一病患百日作闕至元十七年正月 行中書省准

中書省咨吏部呈南省官員俱係都省發注近者迂去人員却行指稱已曾到任因病還家或稱沿路病患不曾赴

赴任徑直具狀及於元籍路分起解申部告叙其間規避本部无憑照勘認得已到任官員若在任委曰病患作闕

別无規避期年具寫歷任根脚作闕緣由於元任官司照勘想同保結申本道宣慰司具呈行省移咨 都省依例

定奪如无行省咨文別无定奪未曾赴任官員若沿路委曰病患不能前去經由所在官司命醫看治病愈行移發直赴任如病過百日別无規避申部作闕期年後照勘歷任根脚依例定奪呈乞照詳事得此

都省准呈咨請照驗施行

不死之任作闕至元二十八年十月 御史臺承奉

中書省札付吏部呈已受

宣勅省部札付官員與人辨證公事及有經手錢穀照算未了相妨不能之任或曰父母喪亡已過百日作關者開寫妨礙始末年月條細緣由於所在官司陳告取會別無規避違礙保結完條隨即結據至求任日止以元住地面窠關迂叙又病患不能之任者即報所在官司命醫看治百日外作關取會中間別無規避隨即結據開寫所患病證至痊可日期依上保結明白期干所叙至日求任止以元注地面窠關迂叙如委无事故病證中間虛行捏合不實其保結官吏並行治罪本人照依元欽奉

聖旨事意施行仍令監察御史并各道廉訪司嚴加体察具呈

照詳事都省准擬除外仰遍行照會施行

并賊侍親作關元貞二年八月 御史臺咨奉 中書省

呈都大路備右巡院申濮州范縣尹王敦武侍親不行之

任事本部奏詳今後見任已除官員委因親老自願弃職

侍養者宜准作隨親終服關方許求叙若

朝廷奪請起復者不拘此例 都省准呈仰照驗施行

閉月日諸般違礙公事

如作關頁云有無規避若有功過

細開就令本官召到知識保官某人委保某人前賤別无

詐冒委自首領官某人憑籍比照得某官實歷請俸勾當

過九个月日並無爭差依例審保相同及將

宣命

勅賜辨驗无偽抄錄在前今用公字號半印勘合書填前去

并将本官年甲籍貫歷仕脚色同應合申事件逐一開具

于后官吏保結是實合行申覆伏乞照驗施行

本官年甲若于是何色目人氏有無疾病某地祖鄉某

地元作是何名色戶計附籍見存晉公人地應當差

役謂軍站儒匠之自今地居住識會是何文字

謂蒙古畏吾通曉是何言語自來不曾更名改姓

見後見文字如曾更名即云元名地於人年為何緣故給到何處

一本官三代

曾祖某若曾歷仕直云歷仕職名若

祖某

父某並依曾祖式開寫

一本官根脚元係是何出身謂承襲承繼蔭叙直云入仕

緣由初仕地處几年月日欽受

勅命或祇受省部院札几年月日到任至几年月日得替實勾

當過几年月日有無功過給到地官司几年月日

解由到部曾无陞降次任依上開仍具所帶散官三任四任依上開者不係應叙職名不須開

一照勘某官前任人職人於人年月日到任至人年月

有新任人官到任替訖通計勾當過若干月日尋勒

司屬謂倉場庫務六房里正主首頭目人等照勘得本官自到任至得

替日中間並無公私過犯侵欺借貸粘帶一切不了

事件

一照勘得本官在任實勾當過几個月日通請到俸鈔若

干中間並無公私過犯亦無被勘住職曠闕虛開月

日若到公私過犯備細開寫所犯根因招斷罪名如

曾被勘月日外實勾當過若干月數及住月日曾

无支給俸錢逐一開申如无不須說若有軍功

一照勘得本官自到任至得替其間應曾掌管提調巡禁

事務謂如提調軍站戶内有无科取及巡禁私盜私茶

各各明白另款開寫如掌管巡禁人員差故以次管官

員亦仰依上另款開寫若有軍站利取項項如何公私

失過用開寫已未捉獲數目

一照勘得本官自到任至得替日其間並無侵斯借貸移

易係官一切錢糧如有侵欺借貸等項項要追徵

一本官任内提點過農桑實跡依已行備細開款申報如

係提點官員亦云曾不

一本官任内提調禁治紕簿窄短疋段盜絲桑線等物并

升斗秤尺有無違犯起數保結開申如不曾提調亦云不曾提調禁治上項事理

一官任內提調鹽法如是提調照依坐去体式開寫如

須開寫款內項目提調官拘收鹽冰自几年月日到任至几年

月日得替計總

鹽貨若干

交割到前官人界內鹽商未賣若干本界內販到

若干

簿籍若干

交割到前官人几扇本界內置到几扇

賣訖鹽貨若干

解訖上司鹽退引若干獲到是何官司几年月日收管
為照

見在鹽貨鹽引簿籍交割代官人收管取到几年月
日關文為照

一本官在任應合相沿交割之物一又交訖取到新任

官人年月日備細名件收管文牒照勘得與元交相同
別无少数立款開甲物謂合交解字倉數斛斗架閣青
之類如元亦須說廣字使客舖陳器物牢房
並無相沿交割物件

一本官交割訖行使印信一顆四角篆文齊全并職田另
款開

一本官有死懸帶金銀牌面如已納訖具寫几年月日給是

一本官到任至得替以來據各處狀保廉能實跡逐一開申

一本官願處住坐聽除

一余有合行開說事件亦仰依上立款開甲

一委官職人將本官所受的本文憑與抄白對讀

別无詐冒官吏保結是實

右依式

年 月 日式

任滿勘合給由至元二十三年十二月行中書省札付准
都省咨今後所割路府州縣任滿求仕人員依例召知識

保官委用行省左右司官辨驗无偽重行保結然後書填

年月半印須要明白開寫保官於當月終通行類咨報事

准此已經札付各處依上施行去後今據各處除任滿給

由人員止用勘合外處遠年入仕應告叙定奪人員各處

往往備詞申稟並不依式勘會亦不用行勘合關防事屬

不當省府擬自至元二十四年正月為始已後應有任滿

給由并應叙定奪人員須要依式勘為完備召到知識保

官辨凭无偽重行保結書填勘合申呈施行仍於當月終

節畧脚色不過次月初五通類呈省

一又至元二十四年閏二月御史臺承奉 中書省札付據

南京寺路宣慰司呈准本司同知楊少中牒切見

國家張官置吏本為百姓近年以來貪官污吏多得美除廉慎守約之人因循懈怠

於政事蓋因隨道按察司斷過人員其所管官司假言不知保給解由及經斷之人多係貪污者銓曹不知私犯依例注授實无激勸莫若通行照會今後御史臺按察司糾察過廉能官吏行過事跡斷過貪污之人所招情犯声說或犯贓盜或侵欺官物或恃權違柱或侵漁百姓懦弱不職或不閑官事或避罪在逃或贓犯罷後及一切不公緣故開坐行移本路總管府本道宣慰司候各官任滿於解

由上明白開寫以憑殿最似望激勸為政迄通行照會事得此送吏部照擬回呈恭詳除臺保廉能人員已有陞轉定例所擬職官任內監察御史按察司糾察過取受一切不公開坐已招罪名行移合屬官司及本道宣慰司照驗候各官任滿於解由內明白開寫外擬諸人告論一切公私過犯亦合依上施行得此都省准擬

一給由勘俸月日至元二十四年二月行中書省准

中書省咨得照近為諸衙門滿考有出身人員并任滿求仕官員俱驗實歷請俸月日定奪陞轉其元來解由文字多有冒椿不實月日已有事發之人詳此益因求仕人員

通同捏合欺誑上司已經札付戶部遇有照勘請俸月日
隨即下庫從實照勘申部委自主事親行比照的本籍冊
別无爭差於回閩上書寫主事人照勘相同行移吏部
以憑定奪去訖咨請今後各處申到解由文字委的本省
首領官一員依上比照的本籍冊內請俸月日以憑照勘
定奪施行

一至元新格諸官員雖已經任滿得代本身若有侵借係官
錢糧見任官司直須追納到官方許給由聽其求仕

一諸官員解由已有定式凡當該給由官司並須依式勘會
別无不盡不實事理方得保申有詐冒不實并勘當未盡

所由上司隨即究問察官刷卷日更須加意檢校但不應
給由而循情濫給并理應出給而不證留難者並聽糾彈
一給由休廢功賞至元二十九年三月 中書省據刑部呈

照得近准吏部閩江南求仕官員解由內開寫在任捕獲
作耗賊徒定擬功賞即不見是否親獲有无爭功之人曾
无給賞又不經廉訪司休廢行省亦不保勘止憑各官在
任節詞牒文於解由內一例開寫例咨都省陞賞實為未
應參詳擬合移咨各處行省今後應據首告捕獲作耗叛
亂首從賊徒明白開寫實有功績是否親獲有无爭功之
人曾无給賞分別本處別境憑誰總領收捕官保結文狀

行移本道廉訪司休廢是實繳連的本牒文申覆本官上
司行省更為保勘明白一切完備另行移咨都省付下以
憑定擬庶望革去奸弊不負有功之人具呈照詳都省准
呈除咨請照驗依上施行

一捕盜官給由例至元三十年七月江西行省札付先准
中書省咨至元新格內一款該諸捕盜官如能巡警尽心
使境內盜息者為上雖有過失起數而限內全獲者為次
其因失盜累經責罰未獲數多者為下到進之日考其
跡定其陞降即日南方見有草賊去處若平治有法使盜
清民安者另議

聞奏陞擢欽此遍行合屬依上施行去後省府照得各路季
申失過盜賊數多縣尉巡檢專任捕盜得替給由到省並
不依上開寫仰今後捕盜官得替於解由內開寫任內失
過強竊盜賊已未獲起數責罰訖罪名明白申省如是到
來照勘得但有漏落定將當該官吏究治

一又大德五年七月湖廣行省准 中書省咨樞密院都事
王毅呈近因奔喪還家回赴大都於大德五年正月十一
日到東平路東阿縣北值強賊二人各騎馬足懸帶弓箭
將毅等喝令下馬將騎馬足衣物鈔兩等物盡行劫去告
報尉司坐視不以為意及聞到本縣日近失過盜賊匿不

申報各各起數此係經行驛路如蒙選官究治庶使道路
通便具申照詳都省除水谷請照勘各處未獲強切盜賊
起數厘勒軍民捕盜官兵依例取招斷罪仍取路府州縣
達魯花赤管民正官常切用心警捕毋致盜賊生發但有
不嚴驗起數多寡就便酌量責罰任滿於解由內開寫
一又大德八年四月湖廣行省准 中書省咨為都事王毅
因奔喪還家回到東平路東阿縣北直強賊二人各騎馬
足懸帶弓箭將鈔兩寺物盡行劫奪告報尉司不以為意
咨請照勘未獲強切盜賊起數厘令軍民捕盜官兵須要
得獲送官歸勘如是不獲即將捕盜官兵依例取招斷罪

仍取路府州縣達魯花赤管民正官常切用心警捕无致
盜賊生發但不嚴驗起數多寡就便酌量酌責罰任滿於
解由內開寫已經遍行合屬依上施行去訖在後湖南道
節次往往於得替職官解由內雖有開到任內失過強切
盜賊不曾開寫責罰緣故省府議得強切盜賊路府州縣
管民正官抚治百姓理斷詞訟辦集錢糧造作供應百色
事繁中間但有愆期取悞俱有責罰定例况江南山林湖
泊繁多地勢險惡強切盜賊時常有之各處鎮守軍民官
兵當任其責其路府州縣官千百里之間任內強切盜賊
所不能无如三限不獲拘該捕盜官兵已有責罰通例若

驗依數多寡又行責罰路府州縣正官任滿解由內間寫
是使管民官歷兩任之間俱有過其名於公勤廉白治效
特異者亦不免於瑕玷以此着詳似涉太嚴莫若今後遇
有失過強切盜賊三限不獲照依舊例決罰當該捕盜官
兵任滿解由內閣寫作例黜降若境內倘有強切煽惑聚
衆為寇湧取路府州縣管民正官抚守不到失於覈察招
伏依例責罰任滿解由內閣寫相應移准中書省咨送刑部
議得江南州郡鎮店關津把隘去處俱有巡捕官兵又撥
官軍專一鎮遏各處連魯花赤差官提控捕盜其於官員
所辦事務繁重難為職專捕盜人員一例開寫盜賊過名

以此參詳如准行省所擬相應都省咨請依上施行

一有解由不給據元貞元年九月江西行省准 中書省咨

吏部呈奉省判御史臺呈河北道廉訪司申汴梁路許州
張仲謙詐捏曾克長社縣并許州司吏次克廣東慰司令
史患病還家許州保申汴梁路求叙取到本人招伏量斷
外看詳今後內外大小官吏但有得替或罷免求叙者須
要經由任所官司從實照勘本人歷任根脚實歷俸月有
无脏濫過犯保結明白給由出勘合公據付本人收執遇
選委之際凭此定奪其罷免者於解由內及公據上明白
稱免罷免緣由雖有解由而无公據者不許叙用本臺參

詳即係通例具呈照詳送吏部議得官吏得替罷免求叙
經由任所官司照勘歷仕根脚俸月有死贓濫過名保結
申覆所屬上司中間但詐冒隱蔽不實依已行罪及給由
官吏既有勘合解由不須重給公據具呈照詳得此都省
得議捏合根脚詐冒求仕合行禁約余准部擬施行
一整治給由事理大德元年三月初七日 中書省
奏准下項事理

件外任官員解由到吏部可為照過名行移刑部為
照粘帶俸月行移戶部為辦驗
宣教又憑行移禮部但這般行移各部回轉與吏部中間為

這般行移求仕人生受有在先待更改行的不是
不曾尋思來從前這般細意行來的勾當如今不
細意徑直行有麼道恐有人說的上不曾更改來
的緣故是這的如今欵

聖旨眾人商量來正合關防的是吏部不須行移各部為照過
名止行移刑部者吏部裏置立文簿將各人歷過
月日但有歷過合關防的事標附在簿子上就照
了定奪呵較疾也者這般商量來奏呵奉

聖旨是也那般者

件管民官解由為軍人與魯行移樞密院為站赤勾

當行移過政院為農桑勾當行移司農司他每當該令史又行為各房別倒換了那文字却與將俺根底來為那般上好生遲滯如今那衙門裏行移那文字不教行移根底裏解由本處照勘完備與將省部裏來者俺這裏照勘无粘帶依体例委用怎生奏呵奉

聖旨是也那般者欽此今後各官得替照勘本官任内有无處竄軍站戶計擅科差役搔擾不安及提調農桑義糧等各各数目依例於解由内明白保結開甲一給由開公罪名大德三年三月江西行省據左右司呈官

勇公錯罰俸輕罪未審合无於解由内開寫移准 中書省咨該送刑部照擬得職官之過沾染私罪應有解降者已有定例緣公致罪不致解降而罰贖者若不於解由内開寫其於銓選之際无以可考殿最擬合移咨行省依上施行相應都省准擬請照驗施行

一曾提調鹽官解由開寫大德四年十月湖南道宣慰司奉湖廣行省札付連到提調鹽法官員得替給由体式該任滿官員給由別不曾開寫任内節次客旅敗到鹽貨賣訖数目拘到退引未賣鹽貨簿籍交割代官仰遇有提調鹽引官員給由照依体式開寫

一給由開具收捕獲功大德七月湖廣行省札付准

中書省咨照詳付諸官員解由多有開陳遠年軍功都省議得諸人收捕草寇除至元三十一年以前經隔年遠難以体究別無定奪已後獲功之人若總管府官隨時保結開白廉訪司体覆是實照勘一切完備並依舊例擬議今後應有首告捕獲作耗取乱首從賊徒者寧息之日總兵官隨即考究實績開具某年月日何人首告某處某賊作耗某年月日某人於何處與賊如何相殺獲功將殺死捉獲首從人數各各條細解由從實保勘明白別无爭功之人行移行省宣慰司再行委官体覆是實以凭定奪但有

妄冒不實者監察御史廉訪司官依例体察仍將妄冒人員并保勘体覆官官點降断罪除外咨請依上施行

一官員給由開具過名大德七年六月初五日 江西行省准

中書省咨刑部呈為驗至元三十一年十一月十一日承准中書省札付本部元呈各處經断官吏俱送標附以備照勘此等人員畏避前過不行開寫朦腫求仕今後各處經断官員須要於起給解由內開寫元配過名断罷緣由申覆合于上司如有隱蔽不行開寫者罪及給由官吏仍令各道廉訪司更為檢察庶望少草濫給之弊都省准呈遍行合屬照會依上施行了當近年以來諸求仕官吏人等

各將所犯罪名隱做不於解由內開寫縱有開到過名即
无條細招詞擬斷緣由除本部有文簿可考者依上照擬
回報若无文案者似難追究略照出近准吏部開到潭州
路達魯花赤安馬兒忽思无粘帶解由本部照出即係經
斷降等之入却不開寫又有先任犯罪除舊止云後任脚
色因而僥倖求仕似此多端不能遍季蓋是當該官司滅
裂元行以致如此及應當怯薛告廢无職後白身人等亦
令本部照勘曾无經犯十惡奸盜但有似此過名隨處俱
得斷決例 申部何由得知止是往後虛文而已又廉訪
司因事取問官吏事內止寫官亦有招涉俱無所犯斷

決緣由贓濫冊內亦行隱漏必須駁問再行照勘逗留停
滯人難以此叅詳今後諸衙門應有斷過官吏并應當怯
薛同職官子姪人等罪名隨即具寫所犯事理斷訖情由
行移本管官司置簿標附專委文咨正官提調須於解由
保申文解內條細開寫仍標附提調正官首領官吏姓名
如解由保申到部查照得却有隱漏定將當該提調官吏
取招斷罪所據廉訪司斷過有招官吏須於贓濫冊內明
白開呈報无致似前隱漏仍令監察御史廉訪司常加糾
察相應具呈照詳都省議得各道廉訪史應有斷過官吏
隨即開具條細行移各管官司照驗附簿首領官如法收

貯其餘諸衙門斷過者一体附簿比任滿給由人員必須
子細照勘備細回報解由內明白開寫廉訪司官每於巡
按與文卷一体照刷其經監察御史斷者申臺呈省余准
部擬咨請依上施行

一殿罷官員即與解由大德十一年二月江浙行省准

中書省咨來咨後裏迂轉人員授除福建川廣雲南遠方
或有貪吏奸民奸民搜羅小過雖不柱法罪在殿年既已
罷職必然還家聽候若不就給解由再候三年復去任所
給由往復生受誠可哀矜今後但犯合殿官員經斷之後
即令任處依例給由殿限滿日注授相應咨請照驗准此

送刑部照得大德三年正月初八日欽奉

詔書內一款節該諸牧民官不先潔已何以治人今後因事
受財除依例斷罪他在法贓者即不叙用不柱法贓項殿
三年方聽告叙再犯終身不叙欽此大德七年三月欽奉

聖旨節該近年所定贓罪條例互有輕重特敕中書集議酌右

准今為十二章云云全文見元部贓別類欽此本部議得

遠方除授官員任內犯贓既是依例斷罪所據殿叙一節
擬合欽依施行具呈照詳得此都省咨請照驗依上施行
一給由置簿首領官提調大德十一年五月福建道廉訪司
檢會到據

奏准至元新格內一款諸官員解由已有定式

全文見本朝

又一款諸官吏所受之事

欽此 全文見公規類至元新格

又照得大德八年五月十三日承奉江南行道臺札付准御史臺咨承奉中書省札付吏部呈奉省判御史臺係監察御史吳承務呈近聞各處任滿官員給由如職諸州縣申衆府路職者呈宣慰司北至自下而上轉達行省得起咨文方赴都省者有至半載遠者不下一年蓋所申官司不以得官員往復給由生受為念指以勘會為名刁證留難勤取錢物及其月日懸遠恐致照出稽遲朦朧作弊倒題月日檢勾人吏又不用心檢舉雖為照刷其弊難知早

職叅詳今後出給官員解由擬合專委首領官一名提領所由官司照驗文字到日為始定立程期並要限內照勘了畢隨即發遣另置文簿以備照刷當該人吏依例每一勾銷檢勾人員每日一檢奉但有稽遲不應隨事奉行如此不惟少寒迂延之弊抑亦不致求仕人難本部叅詳今後如遇得替官員解由呈所由官司擬合今置文簿委自首領官一員不妨本職專一提調當該人吏常切勾銷檢奉毋致延遲人難若中間但有稽延遲月日究治相應具呈照詳都省仰照驗依上施行

一官員老病致仕至元二十八年四月二十三日尚書吏部承奉尚書省判送本部呈近奉省札諸職官年及七十者合令依例致仕本部議得職官年已七旬到部求仕相視得老病不勝職仕擬合致仕如精力未省衰別無疾病者依例迂叙若年雖未及委有疾病自願致仕者聽呈奉都堂鈞旨准呈施行

一七十致仕大德七年九月二十九日江西行省准

中書省咨議得諸職官七十致仕礼有明文比見及者往往驅馳仕途倘因疲倦誤事或被彈劾不能全其晚節良

可憫惜今後內外官員有及七十者擬自三品以下驗所
歷日月於應得資品上優與散官致仕其德望素著為特
所重翰林集賢侍從老臣備

朝廷咨詢者不拘此例移准中書省咨於大德七年七月二
十日

奏過事內一件在先體例裏做官的人每年紀到七十呵勾
當裏不行有來如今做官的年紀年老的人根底依着他
每的言語委付呵耽悞了勾當去也今後除側近行的集
賢翰林院裏用着的有知識老的每外其餘內外做官的
人每年紀到七十呵三品以下官員他應得的品級上添

與一寺散官教閑呵怎生麼道大都有的伴當每奏將來
有奏呵奉

聖旨那般者欽此

一年過七十依例致仕大德八年十一月湖廣行省准

中書省咨吏部呈陽平路絳州申照得前安西路咸寧縣尹
李溫恭授絳州判官代見任郭徵事滿缺本官已過致仕
之年乞照驗得此具呈中書吏部河東山西道宣慰司照
詳未蒙明降大德八年六月十四日承准河東山西道廉
訪司牒承奉御史臺札付備奉中書省札付吏部承奉南康
縣尹張德成年及七十未曾注代議得縣尹張成德既是

年已七十合咨行省候代給由叅詳其餘年及七十見任官員合無一体施行得此議得見任官員得代給由依例優陞仰照驗施行承此已經通行照會去訖今據前行有司除已行下絳州照會之任外乞照驗此照得先准河東山西道宣慰司閔未任絳州知州翟如弼年七十二歲判官李溫恭年七十一歲俱過七旬若蒙依例致任別行銓注相應准此已經具呈都省別行銓注及二次回閔本司照驗去訖今據見申議得李溫恭年已七十之上例應致仕即係例前已除未任本路却於大德八年六月二十日照會之任以此叅詳除例近集賢翰林院用着知識老的

外其餘內外人員合仕大德七年七月二十日

格限已後禮任并己未任年及七十者合欵依致仕如蒙准

呈照會相應得此除外請依上施行

一致仕家貧給半俸大德九年六月欵奉

詔書內一款致仕官員士壯至老宣力多矣若止有一子應

承廕者並免俸使子幼家貧者給半俸終其身雖老七十

以上精力未衰材識可取者錄用之

一致仕加授散官職事大德十年六月行臺准 御史臺咨

據監察御史馬奉訓迭里威定承德呈狀惟仕宦者七十

而致仕乃古今之通制也欵觀

聖朝凡致仕官員加之一官子幼家貧者給半俸終其身又出右制之上也蓋為人臣子竭忠致身勞於

王事歷年深遠宣力良多所以嘉其行賜之一官為職事如舊而鄉閭戚黨稱呼仍前日不令人悵惜哉似恐未見增其榮雖自古

國家名器不可假人仰賀

皇元優憫致仕褒加一官榮顯其身光於宗族遺之子孫恩寵至矣略舉裕州同知何瑄三任主簿縣尹兩任忠翊校尉同知一任六十九歲解由到部該陞從六至大德八年得除扣該七十致仕加授一官昭信校尉別無職名以此看

詳既全晚節老於不任何惜一職之難未盡其善今後加官若驗應得品級選授一職易其舊呼新其稱號光華所被星煥重輝即家而拜君子夙遺榮之羨將見

國家隆仁待下殊貴臣子厚莫重焉使致仕者養素丘園白首樂天年之壽域投閑閭里丹心報

國祚之无疆上彰

洪恩之盛羨下見仕宦之尊崇誠不負平昔之難庶激昂將來之觀具呈照詳得此呈奉

中書省札付大德十年正月二十一日

奏過事內一件做官的人每年老勾當裏行不的呵在前奏

遇添與一寺散官教致仕來添與了散官那人每若不與
選授的職事呵不宜的一般如今激觀勾當裏人每教向
前行的上頭各人應得品級裏依舊添散官與選授的職
事教致仕呵怎生奏呵奉

聖旨那般看欽此

一致仕陞散官一寺延祐元年閏三月行省准 中書省咨

皇慶二年十二月二十一日

奏過事內一件做官的人每年至七十呵三品以下添與一
寺散官交致仕奏過行了來為是三品以下交致仕的上
頭疑惑省自四品以下官員與致仕

宣有已到三品的不曾與致仕

宣命俺衆人將根元行來的

聖旨裏照呵三品官員也合與有如今已到從三品的陞正三

品到正三品的與正議大夫散官呵怎生奏呵那般者麼道

聖旨有呵又奏蒙古色目官員內為散官低如職事麼道比見
授職事之上若不添與一寺職事止添與散官呵他每的
子孫每不得濟不均的一般有三品以下官員職事散官
皆陞一寺交致仕呵怎生奏呵那般者麼道

聖旨了也欽此都省咨請欽依施行

一流官封贈通省例延祐三年八月行省准 中書咨今年

四月十八日

聖旨來俺與御史臺官集賢翰林院老的每一處商量定例也
聽讀過奉

聖旨依着這商量來的通例合與的與者再不須奏麼道
聖旨了也欽此今將封贈通例粘連在前都省咨請欽依施行

二三封贈一品至七品流官等第離職不與

一正從二品封贈三代

爵 國公

勳 正上柱國
從柱國

母妻 並國夫人

特旨封王仍須稟

奏其封王者母妻並國夫人

一正從二品封贈二代

爵 郡公

勳 正上護軍
從護軍

母妻 並郡夫人

一正從三品封贈二代

爵 郡侯

勳 正上輕車都尉
從輕車都尉

母妻 並郡夫人

奏過事內一件封贈是激勸人做忠孝的好勾當尚書省行
的或濫了如今恁共御史臺集賢翰林院每一處商量通
定例休交高了休交低了休交濫了便行者麼道

一正從四品封贈父母

爵 郡伯

勳 正上柱都尉
從騎都尉

母妻 並郡君

一正從五品封贈父母

爵正孫子
從縣男

勳正騎尉
從飛騎尉

母妻並縣君

一正從六品封贈父母

父止用散官

母妻並恭人

一正從七品封贈父母

父止用散官

母妻並宜人

一應封贈者一品至五品並用散官職事勳爵六品七品

止用散官散官從職事從一高

一封贈曾祖減祖一等祖降父一等父母妻並與夫子同

每遇子孫陞品其父祖隨迁母妻同

一父母在仕者不封已致仕并不在任者封之

一父母應封而讓曾祖父母祖父母者聽

一諸子應封父母者嫡母在生所之母不得封嫡母亡

得並封若所生母未封贈者不得先封其妻

一諸職官例前因事受贓曾經解任者須再任過方許

申諸請今犯取受之贓並行追奪再不許封贈其父

祖元有官止進一階者不在追奪之例

一封應贈之人曾任三品以上如立

朝有大節功勳在

王室者方許如功臣之號

一父祖元有官者隨其所帶文武官上封贈若已及封贈之官止於本等官上許進一階二滿者更不在封贈之限謂如子官至四品其父祖已帶四品之類或兩子當封者從一高文武不同者從所請婦人因其夫子封贈而夫子兩有官亦從一高

一封贈曾祖母祖母并母生封並加太字若已亡沒或曾祖二父父在者不加太字

一職官居喪應封贈曾祖母父母祖父母父母者聽其應受封之人居曾祖父母祖父母父母及姑舅夫喪者服闋申請

一封應贈者有使遠死節臨陣死事者驗事擇議加封一應封妻者止封正妻一人如正妻已歿謂正妻後再娶者亦止封一人余不在封贈之限婦人因夫子得封者不許再嫁

一父祖曾任三品以上官亡歿生前有勲勞為

上如遇者子孫雖不仕其實亦赴所在官司保結申請驗事跡可否量擬封贈无後者許有司保結申請

一僧道身既出家其父祖不在封贈之限

一凡告請封贈者隨

朝并京官行省行臺宣慰司廉訪司見任官員於任所申請

其餘官員見任并已除未任至德代日隨其解由申請致仕官於所在官司申請

一應封贈者並須依式申請若有詐冒不實並行追奪仍仰監察御史肅政廉訪司体察

一品至五品

宣授六品七品

勅授加應封贈父母俱亡者通為一道生者各另給降

一封贈謚例

一流官父母祖曾任三品已上者許請謚

一凡請謚者許其家具本官平日德業文舉勲勞政跡

一封贈申請狀式

某路府州准某官申牒見年若干本貫某州府司縣某

戶是何人氏今照日某見任得代某職所帶官品依等

第合封贈父母妻室如應封贈三代者即云合封贈曾

祖父母祖父母父母并妻一代者云合封贈祖父母父

母并妻其應封贈父母父不曾犯十惡除名之罪所封

妻妾是以禮娶到正室並不是測室婢妾奸婚娼優違

法成親中間亦无詐冒違碍等事各无父母舅姑未終

喪服某自到任之今其間並無私犯追奪等罪保結是

實就抄初補未後所受

宣勅的本粘連在前開坐應封贈人姓名乞轉申封贈施行
准此照勘相同拆連元抄官吏准上保結是實合行開坐
具申

中書吏部

照詳施行

一郡望本出某郡某氏如元郡望色目人但云世居是何州郡

一應封贈人

父如曾仕云初任未後所帶官職亡則云亡年月日身故

生則云見任亡職或在閑致仕如不曾仕亡則云 故

不仕生則云未仕

母 生則云在堂亡則云身故

妻 亡氏見年若干

合封贈三代二代者依上開

一失節婦不封贈延祐五年四月 江浙行省准 中書省

咨御史臺呈倫監察御史呈切聞治國以正裕為先立政
以具賢為首偽不得行賢始得進賤不得貴爵必為榮所
有建白事理內一件七品以上職官正妻以禮娶到別不
違法者見有封贈及受封之後本夫身死不許適人誠為
盛典卑職切詳婦有夫死適人者謂之失節得罪綱常之
人今見行通例中雖有以例娶到正室等條別不見職官

娶到再醮之婦是否合得封贈今後如蒙除蒙古人外漢人職官正室如係再醮之婦是否合得封贈不許受封庶几士夫之家敦尚節義婦人女子亦知有耻為係治体不輕具呈照詳得此延祐四年十月二十七日

奏過事內一件御史臺備省監察每的文字裏根底與了文書有做官的人每以禮妻到的正妻根底與了封贈本夫身亡之後休再嫁者麼道立定通例有寡婦再嫁職官與封贈呵不宜有今後除蒙古色目外為官的漢人求娶到的寡婦根底不合與封贈麼道說有俺商量來他每的言語是的一般有這般的每根底不與封贈呵怎生奏呵那

般者麼道

聖旨了也欽此都省咨請欽依施行

延祐七年十一月欽奉 至治改元

詔書內一款封贈之例制本以激勸臣下比因泛請者衆遂致中輟今命 中書省從新設法議擬舉行毋致冗濫

國

